



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-306-4/23**
Datum: **06.10.2023. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «KOMUNALNO» d.o.o. Breza za donošenje rješenja o vodnoj dozvoli za zahvatanje vode sa izvorišta «Mahmutovića rijeka», a za potrebe snabdijevanje pitkom vodom potrošača na području općine Breza, na osnovu člana 139. stav 1. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», br. 2/98 49/99 i 61/22), donosi

RJEŠENJE **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Breza za zahvatanje vode sa izvorišta «Mahmutovića rijeka» u minimalnoj količini od 10,0 l/s, a u svrhu snabdijevanja pitkom vodom potrošača na području općine Breza.
2. Vodna dozvola se daje na osnovu dostavljene dokumentacije, uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom, izdatim vodnim aktima i Općem aktu o održavanju, korištenju i osmatranju vodoprivrednih objekata gradskog vodovoda Breza.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.4. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti ovlaštene laboratorije, u skladu sa članom 48. stav 3. Zakona o vodama.
 - 2.5. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće ("Službeni glasnik BiH", br. 44/10) vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.6. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.7. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.8. Da se mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima.
 - 2.9. Da se stalno sprovode zaštitne mjere za izvorišta po Odluci o zaštiti izvorišta vode za piće Mahmutovića rijeka i rijeka Misoča, donesenoj od strane Vlade Federacije Bosne i Hercegovine, broj: 959/10 od 14.12.2010. godine. Ova odluka je bazirana na tada važećem Pravilniku o uslovima za određivanje zona sanitarne zaštite i zaštitnih mjera za izvorišta voda koje se koriste ili se planiraju koristiti za piće, a u međuvremenu je donesen novi Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12). Uskladištanje postojeće Odluke je obavezno izvršiti prema Prijelaznim i završnim odredbama, član 15. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br.88/12).
3. Korisnik objekata treba da u cilju kontrole, evidencije i plaćanja količina zahvaćene vode da vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije

o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama se daje sa rokom važenja od 2 (dvije) godine od dana pravosnažnosti ovog rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtijev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Javno preduzeće «KOMUNALNO» d.o.o. Breza, obratilo se ovoj Agenciji, dana 25.07.2023. godine, sa zahtjevom za donošenje rješenja o vodnoj dozvoli za zahvatanje vode sa izvorišta «Mahmutovića rijeka» u minimalnoj količini od 10 l/s, a u svrhu snabdijevanja pitkom vodom potrošača na području općine Breza.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu u sudski registar broj: 043-0-Reg-23-000229 izdatog dana 08.03.2023. godine od strane Općinskog suda u Zenica,
- Ovjerena kopija Uvjerenja o poreskoj registraciji, izdatog dana 18.04.2014.godine od strane Porezne uprave-Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje BiH,
- Dokaz o uplati upravne takse,
- Kopija Pravilnika o održavanju, korištenju i osmatranju objekata komunalnog vodovodnog sistema Breza, broj:1621-31-05-13-2/18 od 31.05.2018. godine,
- Kopija Odluke o prenosu prava korištenja i upravljanja vodoprivrednim objektima sa Općine Breza na JKP «Breza» iz Breze, donesene 23.05.2002. godine od strane Općinskog vijeća Breza,
- Kopija Odluke o zaštiti izvorišta Mahmutovića rijeka i rijeka Misoča, Službene novine Federacije BiH, broj 87/10,
- Kopija Odluke o regulisanju odnosa davaoca i korisnika komunalne usluge snabdijevanja pitkom vodom donesene od strane Općinskog vijeća na sjednici održanoj dana 29.04.2010. godine,
- Kopija Rješenja o vodnoj dozvoli, broj: UP-I/25-3-40-185-5/21 izdatog 30.07.2021. godine od strane oove Agencije,
- Informacija Službe za privredu Općine Breza broj: 02/1-1-21-1732/2023 od 30.05.2023., kopija,
- Kopija izvještaja o ispitivanju vode za piće, broj: 14.03.01-75651/23 Mahmutovića rijeka od urađenog od strane Instituta za zdravlje i sigurnost hrane Zenica,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog vodozahvata te je sačinjen zapisnik o izvršenom uviđaju broj: UP-1/21-3-40-306-4/23 od 29.09.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Za potrebe vodosnabdjevanja naselja Župča u općini Breza, kaptirano je izvoriste Mahmutovića rijeka. Kaptaža je izgrađena, na koti 754,00 m n.m. ispod puta koji ide kanjonom rijeke Misoče, trasom nekadašnje pruge. Uža zona oko izvorišta je ograđena.
- Pristup izvoristu je moguć samo pješke što otežava njegov nadzor i održavanje kao i eventualne popravke.
- Izvoriste Mahmutovića rijeka locirano je u podnožju Čemerske planine, na lokalitetu udaljenom cca 12,0 km od Breza, i predstavlja izvoriste podzemnih voda u kraškoj izdani. Vrelo je uzlaznog tipa, voda ističe iz prirodne kaverne u koju je uronjena usisna korpa profila. U objektu je izveden betonski prag kako bi stvarao uspor i obezbijedio da je usisna korpa potopljena. Kapacitet zahvaćenih količina vode na izvoristu iznosi 10 l/s. Na ulazu u kaptažni objekat su postavljene rešetke koje omogućavaju izliv vode van kaptaže
- Slivno područje nije naseljeno i latentnu opasnost u pogledu pogršanja kvalitativno-kvantitativnih karakteristika izvorišta predstavlja sječa šume koju u slivu izvorišta obavlja JP „Šumsko privredno društvo Zeničko-dobojskog kantona“ d.o.o. Zavidovići i JP ŠPD Sarajevskog kantona.
- Od kaptaže se voda, azbestcementnim te pehd cjevovodom Ø200, transportuje prema rasteretnoj komori «Vino» gdje se vrši hlorisanje vode vrši tečnim hlorom opremom firme Controlmatik Sarajevo. Mjerenje količina zahvaćene vode vrši se preko vodomjera smještenog u vodomjernom oknu ispred rasteretne komore putem impulsnog vodomjera.
- Kaptažna građevina je armirano betonski objekat opremljen usisnom košarom i zatvaračima, rešetkom i silaznim ljestvama i sl.
- Na vodovodni sistem Mahmutovića rijeka priključeno je oko 1000 domaćinstava. Minimalna izdašnost izvorišta se procjenjuje na 10 l/s.
- Osim hloriranja ne vrši se nikakav poseban tretman voda.
- Izdašnost izvorišta kao i kvalitet vode (mutnoća) je stabilan.
- Nisu registrirana incidentna zagađenja u periodu važenja dozvole.
- Vrš se redovna kontrola kvaliteta vode. Fizičko-hemijske i bakteriološke osobine uzoraka vode odgovaraju uslovima Pravilnika o zdravstvenoj ispravnosti vode za piće («Službene novine Federacije BiH», broj 40/10).

Za predmetno izvoriste nije izvršeno usklađivanje Odluke o zaštiti izvorišta vode za piće Mahmutovića rijeka i rijeka Misoča sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdjevanje („Službene novine Federacije BiH“, broj 88/12) što je bio uslov iz tačke 2.9 dispozitiva ranije izdatog Rješenja o vodnoj dozvoli.

Prema Informaciji Službe za privredu Općine Breza broj: 02/1-1-21-1732/2023 od 30.05.2023., dostavljenoj uz zahtjev za izdavanje vodne dozvole Općina Breza je ušla u proceduru ishodovanja Odluke o zaštiti izvorišta vode za piće Mahmutovića rijeka i Misoča. Za donošenje predmetne Odluke nadležna je Vlada Federacije BiH, a prijedlog Odluke priprema Federalno ministarstvo poljoprivrede, vodoprivrede i šumarstva, jer se područje obuhvaćeno predloženim zonama sanitarne zaštite (tehnička podloga Elaborat zona sanitarne zaštite za izvorište Mahmutovića rijeka i vodozahvat Misoče – usklađivanje sa zakonskim propisima, IPSA INSTITUT Sarajevo) nalazi na području dva kantona. Općina Vareš se nije pozitivno izjasnila na prijedlog ove Odluke tako da je izostalo donošenje iste. Ovo je razlog što je rok važenja dozvole samo dvije godine, jer ukoliko bi došlo da donošenja odluke, uslovi u dispozitivu rješenja bi u određenom dijelu imali drugi činjenični okvir.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-306-2/23 od 20.09.2023.godine.

Na osnovu provedenog postupka, a prema članu 107. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JP «KOMUNALNO» d.o.o. Breza, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je

podnosilac zahtjeva JP «KOMUNALNO» d.o.o. Breza, ispunio minimum uslova za izdavanje vodne dozvole za zahvat vode na izvoristu «Mahmutovića rijeka», u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općina Breza, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Sanja Miličić, građ. ing.

Haris Ališehović, dipl.ing.građ.

Prilog: Kopija zapisnika o izvršenom uvidaju

Po ovlaštenju

Rukovodilac Sektora za izdavanje vodnih akata



Ališehović
Haris Ališehović, dipl. inž.građ.

Dostaviti:

- JP «KOMUNALNO» d.o.o. Breza
ul. ZAVNOBIH-a br. 6, 71370 Breza (Prilog)
- AVP, ISV – Vodna knjiga
- Sektor 50,
- ☒ Sektor 40, arhiva
- oglasna ploča – AVP Sava